

Ebazpena: 92/2023

Espedientea: 12/2022

Vitoria-Gasteiz, 2023ko urriaren 18a.

Euskal Autonomia Erkidegoarekiko Ekonomia Itunaren Arbitraje Batzordea honako hauek osatzen dute: Violeta Ruiz Almendral presidenteak eta Sofía Arana Landín eta Javier Muguruza Arrese bokalek. Bada, honako hau erabaki dute:

ERABAKIA

Zerga Administrazioako Estatu Agentziak (aurrerantzean, ZAEA) Gipuzkoako Foru Aldundiaren (aurrerantzean, GFA) aurka aurkeztutako gatazkari buruzkoa, zeinaren helburua baita zehaztea zeinek duen 2017ko ekitaldian SESLk langile jakin batzuei ordaindutako lan-etekinengatiko atxikipenak ordainarazteko eskumena. Gatazka hori Arbitraje Batzorde honetan izapidetzen ari da, 12/2022 espediente-zenbakiarekin.

AURREKARIAK

1.- SARMELT enpresak egoitza soziala eta zerga-egoitza, baita lantokia ere, Gipuzkoan ditu (Azpeitia), eta helburu soziala du ingeniarietza, aholkularitza, arkitektura eta aholkularitza profesionaleko jarduerak egitea.

2.- SARMELTek 2017ko ekitaldian egindako atxikipen guztiak GFAn sartu zituen.

3.- Egiaztatze- eta ikertze-jarduketak egin ondoren, ZAEAk egiaztatu zuen SARMELTeko langile batzuek lurralde erkidean zeuden bizilekueetatik egin zutela lana, telelanaren modalitatean, 2017ko ekitaldian. Era berean, ZAEAk egiaztatu zuen ezen, langile horiei ekitaldi horretan ordaindutako lan-etekinen gainean egindako atxikpenak (63.556,55 euro) GFAn sartu zituztela.

4.- ZAEAk atxikpen horiek itzultzeko eskatu zion GFARI, 2021eko apirilaren 30ean, eta GFAk atzera bota egin zuen, 2021eko urriaren 18an.

5.- ZAEAk inhibizio-errekerimendua egin zion GFARI, 2021eko abenduaren 20an, eta GFAk baztertu egin zuen, 2022ko urtarrilaren 18an.

6.- 2022ko otsailaren 17an, ZAEAk Arbitraje Batzordean planteatu zuen gatazka, eta Ekonomia Itunean eta abenduaren 28ko 1760/2007 Errege Dekretuaren bidez onartu zen Ekonomia Itunean aurreikusitako Arbitraje Batzordearen Araudian (aurrerantzean, EIABA) araututako prozedura arruntari jarraituz izapidetu da. Hori dela-eta, GFAk alegazioak egin eta dagozkion frogak eta dokumentazioa hilabeteko epean aurkeztu eta proposatzeko izapidea bete da. Horrez gain, prozedurako interesdun guztiei espedientearen berri eman zaie, eta ZAEAk atzera egindakotzat jotzeko eskatu du izapide horretan.

ZUZENBIDEKO OINARRIAK

1.- Arbitraje Batzordearen eskumena

Arbitraje Batzordeak du gatazka hau ebazteko eskumena, Ekonomia Itunaren 66. artikuluan xedatutakoaren arabera, Arbitraje Batzordearen eginkizunak ezartzen baititu:

«a) Estatuko Administrazioaren eta foru-aldundien artean edo foru-aldundien eta beste autonomia-erkidegoetako administrazioen artean sortzen diren gatazkak ebaztea, bai tributu itunduen loturen aplikazioari dagokionez, bai administrazio bakoitzari zenbateko zatia dagokion zehazteko, sozietateen gaineko zergaren edota balio erantsiaren gaineko zergaren baterako tributazioaren kasuetan.

b) Banakako tributu-harremanetako arazo zehatzetan Ekonomia Ituna interpretatzeko eta aplikatzeko orduan administrazio interesdunen artean sor litezkeen gatazkak erabakitzea».

(...))»

2-. Atzera egitea

ZAEAk, azken alegazioen izapidean, eskaera bat aurkeztu zuen 12/2022 zenbakiarekin izapidetzen ari den gatazkari dagokion prozeduran atzera egindakotzat har dezaten, eta onartu zuen GFari dagokiola SARMELTek hartzaile jakin batzuei 2017ko ekitaldian egindako PFEZaren ondoriozko lan-atxikipenak ordainarazteko eskumena, kontuan hartuta Ekonomia Itunaren 7.Bat.a) artikuluan xedatutakoa, *ratione temporis* idazketa aplikagarrian. Horren ondorioz, bi administrazioen arteko gatazka bertan behera geratu da, eta horrek Ekonomia Itunaren Arbitraje Batzordearen aurrean bideratutako prozeduraren xedea gerora galtzea eta, horrenbestez, artxibatzea ekarri du.

Atzera egitea prozedura amaitzeko modu gisa jasotzen da Administrazio Prozedura Erkidearen Legearen 84. artikuluan, zeina aplikagarria baita EIABAREN 8. artikulua eginiko igorpena betez.

Illo horretan, Administrazio Prozedura Erkidearen Legearen 94. artikuluan xedatutakoaren arabera, Arbitraje Batzorde honek onartu egin behar du ZAEAK eskatutako atzera egitea, ez baitago prozeduran hirugarren pertsona interesdunik, eta gatazkan sortutako auzia ez baita interes orokorrekoa, eta ez baita komeni hura bideratzea definitu eta argitu dadin. Eta, ondorioz, ebazpen hau ematen da, APAPELen 21.1 artikuluan adierazitakoa aintzat hartuta.

Horiek horrela, Arbitraje Batzordeak

ERABAKITZEN DU

- 1.- Gatazka artxibatzea, ZAEAK atzera egitearen ondorioz prozeduraren xedea gerora galdu delako.
- 2.- Erabaki hau jakinaraztea Zerga Administrazioko Estatu Agentziari, Gipuzkoako Foru Aldundiari eta SESLri jakinaraztea.